

Powšitkowne WOZJEWJENJA

njedźelu, 15. awgusta 2010

Woporam powodźenja pomhać

Zhromadna akcija Towarstwa Cyrila a Metoda a zwjazka Charity

Stručće powěsće su k nam w zaštych dnjach wo wulkim powodźenju w namjeznych kónčinach podłu Nysy kaž tež z Pólskeje a Českeje z medijow dóšli. Škodow je wjele a nuza wulka. Někotražkuli swójbja je wšitko zhubiła. Tysacy twarjenjow su zdžěla chětro wobškodzene a dyrba so ponowić. Tak na přikład bu klóšter Marijiny Doł přepławjeny, pólske městačko Bogatynia a česke městačko Chrastawa pak buštej zdžěla dospołnje zničenej. Tuž je kóždažkuli pomoc, tež z wukraja, jara witana.

Towarstwo Cyrila a Metoda z.t. (TCM), sekcija „Łužica pomha“, a Hornjołužiski zwjazk Charity stej so w zaštych dnjach na zhromadnu pomocnu akciju za pomocy potřebnych dojednałoj. TCM prosy wěriwych w serbskich wosadach wo pjenježne a Caritas wo materielne dary, zo by so woporam powodźenja w Marijinym Dole, Pólskej a Českej bratrowskej zwjazanosći pomhać móhło. Pjenjezy móža so přepokazać pod hesłom „Łužica pomha“ na konto TCM pola LIGA Dresden, kontowe čisło 828 23 66; BLZ 750 903 00. Štóž přeje sej darowansku kwitowanku, njech to prošu zdžěli.

Štóž ma derje zdžeržanu drastu, přikrywju, trjenja, počehnjena, najwšelakorišu nadobu a sudobja za kuchnju, móže tute přichodnu srjedu a štwórtk, 18. a 19. awgusta, wot 16 do 18 hodź. pak w Ralbicach na farje abo pola Špitankec w Zejicach wotedać. Dary wotwjeze Caritas sobotu, 21. awgusta, do Bogatynie a je tam wot wulkeje wody domapytanym rozdžěli. Wšitkim šćedriwym darićelam wuprajam hižo na tutym městnje wutrobne zaplać Bóh.

Jurij Špitanek, předsyda TCM

Hra „Via Regia woła“ předstaji so w Chrósćicach

Towarstwo Cyrila a Metoda z.t. a Chrósćanska wosada přeprošujetej na předstajenje noweje dźiwadloweje hry „Via Regia woła“. Wona je wěnowana k 1.000. posmjertnym narodninam biskopa Bena, japoštoła Serbow. 180 lajskich wumělcow – dźiwadźelnikow, spěwarjow, hudźbnikow a rejowarjow předstaji hru na scěhowacych terminach:

njedźelu, 15. awgusta, w 20 hodź. – wosebje za Wotrowskich, Bačońskich a Ralbičanskich wosadnych

sobotu, 21. awgusta, w 20 hodź. – wosebje za wěriwych z Pančanskeje a Worklečanskeje wokoliny kaž tež Njebjelčanskeje wosady

njedźelu, 22. awgusta, w 16.30 hodź. – wosebje za wěriwych Budyskeje wosady, za wobdžělnikow swójbneho popołdnja w Smochćicach kaž tež za ewangelskich wěriwych

njedźelu, 22. awgusta, w 20 hodź. – wosebje za Radworskich a Kulowskich wosadnych

Wšitke předstajenja su w serbskej rěči na farskej luce w Chrósćicach. Němskim přihladowarjam poskići so simultany přeložk ze sluchatkami. Zastup plaći sydom eurow za dorosćenych, štyri eura za młodostnych a dwaj euraj za džěci.

Zelowy swjedzeń w Klóštrje

Tradicionelny zelowy swjedzeń je tutu njedźelu, 15. awgusta, w klóšterskej zahrodze w Pančicach-Kukowje. Ekumeniski nyšpor, na kotrymž so zelowe kwěćele požohnuja, budže w 14.30 hodź.

Lětni koncert Meje

Swój tradicionelny lětni koncert před Starej cyrkwičku w Radworju wuhotuje chór Meja přichodnu njedźelu, 15. awgusta. Jako hosći su sej lětsa Smjerdžečansku rejwansku skupinu přeprosili. Wot 15 hodź. poskići so kofej a samopječeny tykanc. Koncert zahaji so w 16 hodź. Při dešču wotměje so koncert w hosćencu „Meja“

Swójbny swjedzeń w Smochćicach

Dom biskopa Bena w Smochćicach přeprošuje njedźelu, 22. awgusta, na swójbny swjedzeń, kotryž zahaji so w 10.30 hodźz Božej mšu. Nimo dalších změje tež redakcija Katolskeho Posoła na dworje swoje informaciske stejnišćo. Popołdno zakónči so tam hižo w 15.30 hodź., zo bychu wšitcy hru „Via Regia woła“ w Chróšćicach wopytać móhli.

Bus do Oberammergauwa

Wšitcy, kotřiž su so za jězbu do Oberammergauwa přizjewili, njech su štwórtk, 26. awgusta, rano w 6 hodź. na dworje Chróšćanskeje fary. Wottam bus wotjědze.

Młodžinske kemše w Chróšćicach

Pater Paulus Maria Tautz wuhotuje ze swojimi sobubratrami a skupinu młodostnych Božu mšu k zahajenju přihota na přiwzaće młodžiny pjatk, 27. awgusta, w 19 hodź. w Chróšćicach. Nadrobniše informacije wozjewja so přichodnu njedźelu.

Šolowy dzeń we Worklecach

Sobotu, 28. awgusta su wšitke wosadne šole a džěci, kotrež rady spěwaja, wot 9 do 14 hodź. na šolowy dzeń do Don Boskoweho domu we Worklecach přeprošene. Zajimcy njech so prošu hač do wutory, 24. awgusta, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždého wobdźělnika přinošk we wysokosći 1,50 eurow.

Swójbne popołdno na Kukowskim hrodzišću

Dekanatne dušepastyrstwo přeprošuje njedźelu, 29. awgusta, na swójbne popołdno na Kukowskim hrodzišću. Započatk je w 14.30 hodź. z nyšporom, kotryž wobrubja šole z našich wosadow. Přizamknu so swačina a wšelake poskitki.

Džělowej městni za młodostneju

Dom swjateho Jana w Smječkecach ma wot 1. septembra městnje za praktikum abo dobrowólne socialne lěto swobodnej. Wobhonić a přizjewić móža so zajimowani pola Tadeja Šimana, nawody domu, telefonowe čisło (03 57 96) 88 61 31.